

Dua restoran jual babi tercemar diserbu

Kuala Lumpur: Jabatan Perkhidmatan Veterinar (JPV) menyerbu tiga premis membabitkan pusat pengedaran khinzir dan dua restoran makanan kerana menjual produk berasaskan khinzir yang diimport dari 10 negara dikesan dijangkiti virus di sekitar Lembah Klang, kelmarin.

Timbalan Menteri Pertanian dan Industri Asas Tani, Sim Tze Tzin berkata, virus demam babi Afrika (ASF) ini sangat berbahaya dan boleh menjejaskan industri khinzir di negara ini sebanyak RM5 bilion termasuk 600 ladang ternakan khinzir.

Beliau berkata, kerajaan menarik larangan import dari China, Poland, Belgium, Thailand, Vietnam, Kemboja, Hong Kong, Myanmar, Filipina dan Laos secara berperingkat sejak 2018.

"Jadi penting bagi kita meningkatkan biosekuriti negara supaya virus ini tidak masuk sekali gus menjangkiti ternakan khinzir di negara ini. Kita tahu 40 peratus rakyat Malaysia bukan Muslim dan mereka makan haiwan berkenaan.

"Sehubungan itu, JPV mengadakan operasi bersepadu di sebuah pusat pe-



Kita dapati masih ada produk tin berasaskan khinzir yang dilarang import masih dijual di negara ini"

Sim Tze Tzin

ngedaran khinzir dan dua restoran kerana menjual daging khinzir dari Vietnam yang dilarang import.

"Kita dapati masih ada produk tin berasaskan khinzir yang dilarang import masih dijual di negara ini. Kita tidak lagi mengimport produk khinzir sebaliknya lebih kepada penguatkuasaan," katanya.

Beliau berkata demikian selepas merasmikan Persidangan Kebangsaan Pemindahan Teknologi 2019 bersempena majlis Sambutan 50 Tahun Institut Penyelidikan dan Kemajuan Pertanian Malaysia (Mardi) di Taman Ekspo Pertanian Malaysia Serdang (MAEPS) di sini, semalam.

Hadir sama, Ketua Pengarah Mardi, Datuk Mohamad Roff Mohd Noor dan Ketua Pengarah JPV, Datuk Dr Quaza Nizamuddin Hassan Nizam.

Menurutnya, Kementerian Pertanian dan Industri Asas Tani (MOA) menubuhkan pasukan khas merangkumi wakil Jabatan Kastam Diraja Malaysia (JKDM), Jabatan Perkhidmatan Kuarantin dan Pemeriksaan Malaysia (MAQIS) dan Bahagian Keselamatan dan Kualiti Makanan (BKKM).

Katanya, turut sama wakil Kementerian Kesihatan, Malaysia (KKM) dan Kementerian Perdagangan Dalam Negeri dan Hal Ehwal Pengguna (KPD-NHEP), bertujuan memastikan produk import berkenaan dan setakat ini, Malaysia masih bebas daripada penularan virus terbahit.